

Dibsho ni Inpaspasing nonta ira Apostol (ACTS)
Lessons Para iren Anak
LESSON 10

Bible Story: **Binadoan Apo Jesus i Biyag nen Saul**

Scripture: Acts 9:1-31

Objectives - Amtaen ni anak jey no say sakey ya too to kebigbiga ey managbasol tan si Jesus i to kepiyala jen Mengisedahan to, si Apo Shiyos i onbaliw ni biyag to.

-Amtaen sha ey waray plano nen Apo Shiyos so ni sanseskey ya ematin mansilbi son Jesus.

Review Questions:

1. Apay nga nan-imdeng ira sota totoo Samaria nonta dimaw si Felipe shiman? (Agsipod ta intoro ton si-khara sota maypangkep son Jesus, tan eshakil ira i tinodongan ton naagasan i sa-sakhit sha.
2. Sipa sota engibetkag son Felipe ja ondaw shi Gaza? (Sota anghil nen Apo Shiyos)
3. Sipa sota inon-an nen Felipe ja nandogan shi kalisa ja edapod Jerusalem? (Sota i Ethiopia ja emanbasa ni dibsho ni Isaiah)
4. Nganto i obda nonta taga Ethiopian ono eunuch? (Treasurer nonta reyna shi Ethiopia)
5. Sipa i engikowan son Felipe ey on-esop nodta kalisa? (Sota Ispirito Santo)
6. Kas-ano ja tinodongan nen Felipe sota eunuch? (In explicar to sota naysolat ja padto shi debshi ni Isaiah maypangkep son Jesus, sota naykarin Mengisedahan.
7. Apay nga piyan nonta i Ethiopia ja mebaotismoan? (Agsipod ta emati son Apo Jesus)
8. Apay nga importanti ja dag-en nen Felipe ja shagos sota kaikowan nen Apo Shiyos son si-khato? (Baka eg emati sota i Ethiopia son Jesus no eg dimaw shi Felipe shi kad-an ton shagos)

Note for the teacher – (It is important to be familiar with the passage enabling you to keep eye contact with each student as you tell the story so you can adapt to whatever is going on. If a student is distracted draw them back in.)

A. Introduction

Nonta ebayag den timpo wara i showen san-asewa jen Hodiyo, nan-iyen ira shi siyodad ni Tarsus. (No wara i map mo, ipa-sas mo i kadan ni Tarsus.) Sajay iren san-asewa edapo ira shi tribo nen Benjamin. Si Benjamin sakey so nodta 12 ja anak nen Jacob. Imanak ira iya san-asewa ni sakeyya daki. Manipod nonta ootik iya nga-nga, intod-an nen tatang tan nanang to ni maypangkep nodta podnon Shiyos. Intoro sha son si-khato sota bilbilin nen Apo Shiyos tan sota pesing ton manbiyag ja si Apo Shiyos i ishayaw to. Nonta bimalodaki dimaw si-khaton nan-iskowida shi Jerusalem. Si Gamaliel i nanbalin na maistoro to, ja engitoro son si-khato ni emin na bibilin nen Apo Shiyos. Emin na inamtaan ton bilin to kedag-a. Agsipod ta epodno si-khato nodta bilin Apo Shiyos, nanbalin si-khato ja sakeyya Pharisee. Sota ira Pharisee, si-khara sota strikto ja kaontongpal nonta bilin nen Apo Shiyos. Tan piyan shen siguradoen na sota ira totoo sha kedag-a ngo sota ira bilin. Inamta-an to met laeng ey wara di i ibetkag Apo Shiyos jen Mengisedahan so ni totoo kabol ni basol sha say eg ira meshosa. Jet to keseseskera sota akewwa ketongpal nontan na kari.

Jet nontan nansogin intenengan to shi eshom ma grupo ja amengikokowan ni nimotok da sota naykarin Mengisedahan. Sajay iren gropon emati, amengikokowan ni maypangkhep son Jesus, etoled ira ja emantostosho shi timplo tan shi emin na sha kadedavi jey si Apo Shiyos inbetkag to ali si Apo Jesus say to isalakan iray totoo shi shosa ni basol sha. Isonga sajayya Pharisee jen kowan to ey ensemsemek to si Apo Shiyos, man-aborido ni sajayya shamag ja to kaitentenengi, eg to patien i

kaikokowan ira niyayya gropon emati maypangkhep son Jesus. Nem karakdan so ira ni totood Jerusalem emati ira so nen Jesus ey si-khato sota naybetkag ja Mengisedahan jet nanbalin pay iren nansilbi son Jesus.

Nonta binonora si Esteban edadsakan iya Pharisee jen ensemek to si Apo Shiyos, tan inkowan to so ira nonta ematin emansilbi son Jesus, kasapolan na isalsheng sha sota sha kaitortoron oowap. Isonga ka-ondaw shi eshom ma dogad say to seskelen ira sota mansilbi son Jesus bibii tan daleki it toka ira ipalaw shi badoran. Nem amepaay ta angken to kaipakat i kabaalan ton pesalsheng ira sota gropon ni emati eg to ira kabaalan na sheshalen nodiket sota minsahira ket eman ka ishamag pay da shi awas ni Jerusalem.

Say wared nemnem to toka pandag-a i kosto para son Apo Shiyos. Eg to amta ey toka gayam pankontra-a si Apo Shiyos. Sipa ngata iyay ya too?

B. Kanemnema nen Saul ey malinteg si-khato shi sangoan nen Apo Shiyos.

Say am-amtaen tayo iyayya too idokat tayoy Biblia tayo shi debsho ni Acts 9.

Inashal tayo nonta ipalabas den domingko ey si Saul i nanbantay nonta baro ira nonta engespig so nen Esteban. Eg amta nen Saul ey to kepankontra-a gayam si Apo Shiyos. Kowan to i kosto to kedagdag-a, kowan to ey malinteg si-khato shi sangoan nen Apo Shiyos tep eshakil i amta ton Esel Apo Shiyos tan to kaonora iren emin. Kowan to nem emansilbi son Apo Shiyos, babaen ni pengisalsheng to nonta ira emati ja amengibingbingay ey si Jesus sota Mengisedahan. Siguradon apil i to kepansilbii ta piyan ton pesalsheng i kaytoshon ni Mapteng nga Shamag.

Baka wara iray toon am-amtaen jon inges to si Saul. Sekitan sha kayo ono pedigaten sha i biyag jo kabol ni pamatiyo son Jesus. Jet baka kowan jo ey agsipod ta mankontra son si-kayo, eg mebediwan i ogadi to. Shi pan-ashal tayo ni biyag nen Saul asen tayo ey aliwen edigat son Apo Shiyos ja bediwan i biyag ni sakey ya too. Babaen ni pamati tayo son Jesus Christo mebadoan i biyag tayo. Isonga no emati kito kasapolan na ikaragan tayo iray makontra ni pamati tayo.

C. Engala si Saul ni pamalobos soni pari say asheden to ira'y emati shi Damasko.

Basaen tayo 'y (Acts 9:1-2)

Si Saul, kaipakat ta emin i panakapalin to jen pesalsheng iray emati ja mantosho isonga man-ekaekad shi eshom ma dogan ja mengen-enap ni emati ja ebalod to. Jet niman nangshew ni pamalobos so ni papashi say i-aknan sha ni pamalobos sa ondaw shi Damasko et to ira asheden ono seskelen tan ibalod iray amengitostoshon ni maypangkhep son Jesus.

Eshakil iray totoo ja inges sha si Saul, kowan sha ey kostoan ira nen Apo Shiyos ta naanos tan mapteng i sha kedagdag-a. Tan sakey pay kowan sha ey ira kekaondaw shi simbaan ni dinomingko tan sha kebasa-a i Biblia sha. Mayat ira iyay nem aliwen sajay i kabol la kostoan shakito nen Apo Shiyos ono aliwen sajay i kaysedakanan tayo. Saksakey bengat i shalan say kostoan shakito nen Apo Shiyos. Sota pebigbig tayo ey managbasol kito et pasien tayo si Jesus ja anak nen Apo Shiyos, Si-khato sota etey shi koros, naybeka nem nan-ongal ni maykatdon akew say isalakan sha kito shi shosa ni basol.

Nanshogi ma si Saul tan sota ira kait ton ondaw shi Damasko. Idi shanshanin onmotok ired Damasko inewagan si-khato nonta nan-ongal ja Mengisedahan.

D. Waray intenengan nen Saul la Esel jen edapod naykayang.

Basaen tayoy Acts 9: 3-5.

Idi wara ired shalan ebigla ja waray silew alid dangit, jet dinikmot tos Saul. Sota seliw ameninilin pasiya, angken sota kait nen Saul enopop sha i mata sha jet si Saul eto-dang shi bo-day. Waray intenengan ton esel ja edapod naykayang ja kowan to ey, "Saul, Saul, apay nga mowak kepedigata?" Sipa i amtayo ja penidigat nen Saul? Owen sota ira emati son Jesus. Simongbat si Saul ja kowan to ey, "Sipa ka apo?" "Si-khak si Jesus, ja maybidang jen mo kepanpedigata, ta epaladoy mo kepesing so nonta ira emati son si-khak". Nonta kepedigata nen Saul, iray emati say toka gayam panpedigata si Jesus ja mismo.

Ekitabtabal si Apo Jesus son Saul say ipa-amta to ey Si-khato sota Anak nen Apo Shiyos, sota naykarin Mengisedahan ja eg patpatien nen Saul.

Siguro eg maevatan nen Saul, i dekna to tep say amta to etey si Jesus naykoros tan naydiyang shi diyang aliwen si-khato sota Mengisedakan. Tan say wared nemnem to, amedadsaki si Apo Shiyos shi to kedagdag-a ira so nonta totoon emati son Jesus. Nem nonta intenengan nen Saul sota Esel la edapod naykayang, inamtaan to ey nanbasol si-khato ta toka gayam pankontra-a sota Anak nen Apo Shiyos. Jet emati son Jesus. Shi sajay ya dingkato aliwa malen si-khato ja kabakal nen Apo Shiyos nodiket naybilang malen anak nen Apo Shiyos. Manipod ma nontan binadoan nen Apo Shiyos i biyag to.

E. Egmaakasas si Saul nem intoloy ton dimaw shi Damasko.

Basaen tayoy Acts 9:6-7

Inkowan nen Jesus son Saul ey ondaw shi Damasko et waray mengikowan son si-khatod man ni dag-en to. Idi naenshila sota silew dimayat si Saul, idi kowan to ey on-asas, ayshi met da i to keasa. Kinoshab nonta silew ja inon-an to jen emeninili. Isonga say inpasing ira nonta kait to shinevat sha ingkhatod Damasko.

F. Iketbal si Apo Shiyos son Ananias ey to todongan si Saul.

Basaen tayoy Acts 9: 9-18

Nonta nimotok ired Damasko, tedon akew ja eg maka-asas, eg eng-engan, tan eg nan-in-inom ni shanom si Saul.

Shi inpan-iyen tod Damasko waray sakeyya emati shiman na manngeshan ni Ananias. Ekitbal si Apo Jesus son Ananias babaen shi kokokip to. Kowan to ey, “Ananias, pansagana ka jet daw ka shi baley nen Judas jet ibagam sota toon manngeshan ni Saul ja i-Tarsus. Wared man na maramen emanshevat son Apo Shiyos.” Sajay i kowan nen Apo Jesus so nen Ananias. Si Ananias amta to i plano nen Saul ja dag-en to no onmotok shima Damasko. Isonga idi sajay i inkowan Apo Jesus ja dag-en to etakot ey baka no ngantoy dag-en nen Saul son si-khato. “Intenengan ko met i kowan ni karakdan ey epaladoy kepesing nen Saul so ni emati shi Jerusalem. Nem kowan nen Jesus son si-khato ey, “Kenshat ta ondaw ka, ta pinidik si Saul ey si-khatoy mengikowan ni maypangkep son si-khak so ni totoo. Ipa-sas ko ngo son si-khato no kas-ano i digat alin da-kaman to ni pengikowan to ni maypangkep son si-khak.” Isonga si Ananias, dimaw, ja tinongpal to sota inkowan nen Jesus. Simekep nodta kad-an nen Saul, jet to insakpal i takday to son si-khato, jet kowan nen Ananias ey, “Agi Saul, si Apo Jesus, ja nanpa-sas son si-kham ni indaw mo alid jay, si-khato met laeng i engibetkag ali son si-khak shiyay, say man-esas ka mowan, tan say man-iyen son si-kham i Ispirito Santo nen Apo Shiyos.” Jet ebigla ja waray ena-kas ja edapod mata nen Saul ja singa siksik ni nigay. Jet nontan ma, nan-asas mowan. Agsipod ta emati son Apo Jesus nanpabonjag. Idi naksheng nga nanpabonjag, engan et kimedasang mowan ta eg eng-egan ni tedon akew. Nganto ngata i dingdingkato ni tedon akew? Nankarkararag. No wara kito ma son Apo Jesus kasapolan na tabtabalen tayo ni olay.

Binediwan nen Apo Shiyos, i biyag nen Saul nonta emati son Jesus shi shalan ni Damasko. Pinidi to si Saul ta waray epateg ja ipadeka To. Nganto ngata i ipadeka nen Jesus son si-khato? Enmengikowan ni maypangkhep Jesus, so ni Gentiles tan Hodiyo. Say Gentiles sota aliwen Hodiyo.

Nontan si Saul piyan ton ayshi koma i memati son Jesus, nem niman na emati say panpadeka nen Apo Shiyos son si-khato to ibingay i Mapteng nga Shamag.

Pinati nen Saul ja shagos si Apo Jesus ja inges to si Felipe, nantoro shi Damasko tan shi Jerusalem, ey si Jesus sota Anak nen Apo Shiyos. Nem nonta pilmiro ja mantosho etakot iray emati son si-khato nem waray sakey ya emati ja manngeshan ni Bernabe ja engikowan son si-khara nonta dingka nen Jesus shi biyag nen Saul. Et manipod ma nonta ebaliwan i pamati nen Saul eg mala medigdikatan iray emati jet evaya mala iren manshejaw son Apo Shiyos et sota Ispirito Santo nen Apo Shiyos i Kaontoltolong son Si-khara.

Memory Verse:

Acts 9:15 “But the Lord said to Ananias, “Go! This man is My chosen instrument to carry My Name before the Gentiles and their kings and before the people of Israel.”